

## **KOMISIJA ZA TUMAČENJE KOLEKTIVNOG UGOVORA ZA DJELATNOSTI PREDŠKOLSKOG ODGOJA I OSNOVNOG ODGOJA I OBRAZOVANJA U KANTONU SARAJEVO**

Na osnovu člana 172. Kolektivnog ugovora za djelatnosti predškolskog odgoja i osnovnog /odgoja i obrazovanja („Službene novine Kantona Sarajevo“, broj: 24/22, 40/22, 7/24, 29/24, 39/24 i 17/25 – u daljem tekstu: Kolektivni ugovor), Komisija za tumačenje Kolektivnog ugovora za djelatnosti predškolskog odgoja i osnovnog odgoja i obrazovanja Kantona Sarajevo na 40. sjednici održanoj 05.05.2025. godine, donijela je

### **Autentično tumačenje člana 110. stav (1) tačka f) Kolektivnog ugovora za djelatnosti predškolskog odgoja i osnovnog odgoja i obrazovanja Kantona Sarajevo („Službene novine Kantona Sarajevo“, broj: 24/22, 40/22, 7/24, 29/24, 39/24 i 17/25)**

*„Član 110.*

*(1) Javni konkurs nije potreban za sklapanje ugovora o radu:*

*f) kada radnik, koji je u stalnom radnom odnosu na neodređeno vrijeme, želi zamijeniti radno mjesto koje podrazumijeva isti stepen stručne spreme i zaključiti ugovor o radu na upražnjeno radno mjesto u ustanovi u kojoj radi i za koje ispunjava uslove definisane Pravilnikom o organizaciji i sistematizaciji poslova i radnih zadataka. U tom slučaju ustanova u kojoj postoji upražnjeno radno mjesto, nakon prethodno pribavljenog pozitivnog mišljenja sindikalnog povjerenika, radniku otkazuje ugovor o radu i istovremeno radniku nudi zaključivanje ugovora o radu pod izmijenjenim uvjetima na upražnjenom radnom mjestu,“*

Dio citirane odredbe Kolektivnog ugovora „isti stepen stručne spreme“ se odnosi na stepene stručne spreme radnih mjesta sa kojeg i na koje radnik želi sporazumno da pređe.

**Odluka o autentičnom tumačenju člana 110. stav (1) tačka f) Kolektivnog ugovora je donesena na 40. sjednici Komisije održanoj 05.05.2025. godine jednoglasno konsenzusom.**

### **ČLANOVI KOMISIJE**

**Abid Fejzić**, predstavnik Poslodavca

**Saudin Sivro**, predstavnik Sindikata

**Seada Mulaomerović**, predstavnik Poslodavca

**Envera Šukman**, predstavnik Sindikata

**KOMISIJA ZA TUMAČENJE KOLEKTIVNOG UGOVORA ZA DJELATNOSTI  
PREDŠKOLSKOG ODGOJA I OSNOVNOG ODGOJA I OBRAZOVANJA U  
KANTONU SARAJEVO**

**MINISTARSTVO ZA ODGOJ I OBRAZOVANJE KANTONA SARAJEVO**  
**n/r ministrice**

**SAMOSTALNI SINDIKAT OSNOVNOG OBRAZOVANJA I ODGOJA FBIH -  
KANTONALNI ODBOR KANTONA SARAJEVO**  
**n/r predsjednika**

**PREDMET:** Dostava tumačenja po zahtjevu

Komisiji za tumačenje Kolektivnog ugovora za djelatnosti predškolskog odgoja i osnovnog odgoja i obrazovanja Kantona Sarajevo („Službene novine Kantona Sarajevo“, broj: 24/22, 40/22, 7/24, 29/24, 39/24 i 17/25 - u daljem tekstu: Kolektivni ugovor) obratio se Sindikat, kao ugovorna strana Kolektivnog ugovora, a vezano za dopis Javne ustanove Osnovna škola „Mehmed-beg Kapetanović Ljubušak“ Sarajevo, broj: 5-888/25 od 09.04.2025. godine koji se odnosi na tumačenje člana 110. stav (1) tačka f) Kolektivnog ugovora u dijelu utvrđivanja prava radnika na zamjenu radnog mjesta koje podrazumijeva veći stepen stručne spreme.

U vezi s navedenim, obavještavamo Vas da je Komisija na 40. sjednici održanoj 05.05.2025. godine, donijela autentično tumačenje člana 110. stav (1) tačka f) Kolektivnog ugovora koje Vam dostavljamo u prilogu ovog akta radi dostavljanja istog podnosiocu zahtjeva za tumačenje.

Podsjećamo da je članom 172. Kolektivnog ugovora propisano da tumačenja Komisije imaju pravnu snagu i učinak ovog Kolektivnog ugovora te da je obaveza Ministarstva za odgoj i obrazovanje Kantona Sarajevo da tumačenje objavi na službenoj internet stranici Ministarstva, a obaveza Sindikata je da tumačenje objavi na službenoj internet stranici Sindikata.

S poštovanjem,

**Komisija za tumačenje Kolektivnog ugovora za  
djelatnosti predškolskog odgoja i osnovnog  
odgoja i obrazovanja u Kantonu Sarajevo, s.r.**